


[www.BibleForChildren.org](http://www.BibleForChildren.org)



Utumbuli 6




Ganga majambu gaguhusu Noa  
jojabii jojujetakeka kajika jaki  
palongi jaka Sapanga na  
jojuwe ngasejabii na lawama  
ipindi yake. Jabii jutama  
sukunndengane Sapanga.


Sapanga hejugulingalia

nndema,  
jabona guhalabiki  
ngamaa, ndaba kila  
mundu japwata

indela jaki  
ja mahakau.




Sapanga ampwagila Noa, "Amwi kwaakoma bandu boti ndaba atweli bandu banga ni ikia. Naakoma pamu nu ndema. Henu, ujilenganakiya Sapina kwi imbau yu nkongu wu mpengu. Bagula yumba nkati je homu na gupakia lami kunza nu nkati."



Gujilenganakiya ana,  
Ulasu waki gubiya meta  
mia moja na selasini na  
tisa, upana waki  
meta ishilini  
nunhwanu


nu ulasu  
waki ukujenda  
kunani meta  
komi nu nhwanu.




"Kabee gujukua aina yoti ya posu, ili mwiitunza ndaba jinu na ndaba ji iumbi hei."




Nawehapa wiijingisa mu sapina iumbi ibeli ibeli,  
sambombamba na sanalomi, ili kwiitunza ibiya yomi  
pamu na wehapa.




Jukua inyama yeijetakiki kupiiki litambiku  
ikambaku saba ni mikolu saba na  
jukua inyama yanga kujetakeka  
kupiiki litambiku ibeli  
ikambaku ibeli imikolu.






Noa nu nhwanamundu  
na bana baki na aka  
ahanamundu bajingala nkati  
ja sapina ili kujepana nu  
kutwele kwa masi.





Noa pajabii na yaka mia sita,  
mu lisoba la komi na saba la  
mwei wa pili, lisoba leheli iliba yoti  
ya masi yapita masi nu kunani ku  
lianga kwatenda kuhogoka.






Glyula jakuna mu nndema masoba  
alubaini ikilu na muhi.




Masi gaendaliya kujonzukeka  
ngani punndema na sapina  
jajebala panani jaki.




Masi haga gabii gingi ngamaa panani ju nndema,  
gayekaliya itombi yoti ilasu yupunndema. Kila  
kiumbi somi mu nndema satenda kuwa.



Ndipala Sapanga ankombuka Noa ni  
inyama yoti imwikioli nu yukupugwa  
yeyabii pamu naku nkati ja sapina.  
Ndienu, Sapanga japogisa nhwai  
panani ju nndema, masi  
gatumbuliya kupunguu.



Egapeta masoba alubaini, Noa, japungula



lindilisa

lejwabii julenganaki mu

sapina je heji, jilipia

likongoo kunza nalombi

ngaselakelubuka kabete

jatama koku mbaka masi

egajomaliya. Ndipala Noa jijipia

inzeba ili jakalinga ngati

masi gapungasiki


panani ju nndema.




Lisoba li ishilini na saba la mwei wa pili, nndema wabiya kujomiki ngani. Hapa Sapanga ampwagila Noa, "Pita kunza jasapina, wehapa pamu nu nhwanu waku na bana baku na akaahanu babu."



Noa ansengila Bambu Sapanga mesa jukupiki  
litambiku, jajukua  
mu kila aina ji  
inyama yeibii sapi ni  
ijuni yeibii sapi, ampikia  
Sapanga litambiku  
lukutinii pamotu panani  
ja mesa ja malibu  
jukupiiki matambiku.






Kabee Sapanga  
jaapwaga, "Jenze  
ndi alama ji  
lilaganu lenhenga kati  
jangu na mwanganya na  
kila kiumbi somi sesabii  
pamu na mwanganya kwi

ibeleku yoti yeihika.  
Meka lusisi lwangu ku  
maundi, nalwombi  
lwibiya nginyuli ji  
lilaganu kati jangu  
nu nndema."





Kila panaliyekaliya  
lianga na maundi  
giyula, nu lusisi lwi  
iyula elwibonikana mu  
maundi, nalikombuka  
lilaganu langu lemei na


mwanganya ni iumbi  
yomi yoti. Masi gingi  
ngagipiti kabee nu  
kukoma iumbi  
yomi yoti.



Sapanga ampengila  
Noa na bana mundu, jaapwagila,  
"Mmbelikana mkajonzukika,  
mkatwelakiya ndema. Bana baka  
Noa babapita mu sapina babiya  
Shemu na Amu na Japeti.

Amu babia atati baka  
Kanani. Haba  
ndi

bana atatu baka  
Noa nu kupete bombi  
bandu boti baenia pundema."



Ndaba Sapanga jaapai ngamaa bandu  
bupundema hata jaamua kumpia Mwana  
waki wakanzika, ili kila mundu  
joanhobaale ngajikuwe ila jubiya na  
womi wa masoba goha.



Aloma 3:23 Bandu boka atei mahakau nukupongukewa nu  
ulumbi waka Sapanga.

Aloma 6:23 Ndaba malepu ga mahakau ndi kuwa lakini  
nhupi jejupia Sapanga ndi womi wa masoba goti su kupete  
Yesu Kilisitu, Bambu witu.

Aebulania 9:27 Ndienu ngati ekubii kila mundu jukuwa  
mala jimu, ndienu jwiijema palongi  
jaka Sapanga kutemuliwa.

Aepesu 2:8,9 Ndaba, kwa uamboni waka Sapanga  
nkombuliwi kwi indela ju kuhobaleka. Lijambu le heli  
ngaselihikiki ndaba ju kuhenga lihengu ngani ila je nhupi  
pena kuhuma kwaka Sapanga. Ndaba ngaseihengiki kwa  
mahengu ginu henu jiikuba mundu ju kukipuna.



Aloma 10:9,10 Ana ujetaki kupete nndomu waku kupwaga Yesu ndi Bambu nuku hobale mu moju jaku kupwaga Sapanga anhyoa Yesu kuhuma kwa bandu baawi, wiitenda kuokoka. Ndaba mundu juhobale kwa mwoju nuku jetakewa kuba jwaamboni palongi jaka Sapanga, kabee kupete nndomu mundu jutenda kujetake kuhobale sukulonge, ndi jwiitenda kuokoka.

Yohana 3:16,17 Ndaba Sapanga jaapai ngamaa bandu bupundema hata jaamua kumpia Mwana waki wakanzika, ili kila mundu joanhobaale ngajikuwe ila jubiya na womi wa masoba goha. Ndaba Sapanga ngaseantumiki Mwana waki puundema ili jutemula bandu bupundema, ila jaakombula.



1 Yohana 5:11-13 Na malobi ge ndi ganga: Sapanga jutupekia womi wa yaka petapeta, na womi hogu gubii nkati jaka Mwana mundo. Mundu jokapi jojubii na Mwana waka Sapanga jubii na womi we hogu; na mundu jwanga kuba na Mwana waka Sapanga, ngasejubii na womi. Nunhandaki mwanganya majambu haga ili mmanya mmbii na womi wa yaka petapeta, mwanganya mo mulinhobale liina laka Mwana waka Sapanga.



# Utumbuli 6 – 10

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: M. Maillot; Tammy S.

Matengo Bible (mgv) ©The Word for the World  
International and Matengo Language Translation, 2020. All  
rights reserved.

<https://www.bible.com/bible/3941/GEN.1.MABV>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

